



Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

IV. De partitione sacrificij.

[urn:nbn:de:hbz:466:1-54113](#)

Ratione finis, quia ille fuit proximus, & principalis finis mortis Christi, placare Deum generi humano, qui est finis veri sacrificij. Colossens. i. *Pacificans per sanguine crucis*, & idem clamant omnes Scripturæ. Quare omnia sacrificia legis veteris, figuræ erant, ac typi huius verissimi, & summi propitiatorij sacrificij, ut Augustinus testatur lib. i. contra Adversarios. leg. & prophet. cap. 18. & alibi. Finis autē proprius mortis Martyrum, non erat Deum placare, sed testimonium veritatis praebere; & ex genere suo mors Martyris actus est fortunatus, quia magis eligit vitam perdere, quam fidem negare. Quare B. L. E. O. epist. 83. supra citata: *Quamus, inquit, in conspectu Domini multorum Sanctorum preciosam mortem fuerint missus tamen insonis occiso propitiatio fuit mundi. Accepimus iusti, non dedere coronas, & de fortitudine fidelium exempla nata sunt patientia, non dona iustitiae; singulares quippe singulis mortes fuere, nec alterius quisquam debitum suo perfoluit.* Ac de definitione haec tenus.

CAPVT QVARTVM.

De partitione sacrificij.

NUNC de partitione pauca dicenda sunt. Sacellum igitur propriè dictum, duobus modis dividetur, ratione materiæ, & ratione formæ, & finis. Ratione materiæ diuiditur in tria genera, victimas, seu hostias, immolationes, & libamenta. Victima, seu hostia dicuntur sacrificia ex animantibus, videlicet ovi, capris, bovis, columbis, passeribus, & turturibus: nec enim vlla alia animantia sacrificari poterant. Et quamuis haec minima generalia sint, ramen apud Latinos deriuata sunt ab aliis sacrificiis, quæ offerebantur post victoriā de hostibus deportatam. Victima enim à victoria, & hostia ab hostibus dicitur. Et aet. iuxta illud Ouidij lib. i. Fastorum:

*Victima quæ cecidit dextra & strice vocatur,
Hostibus à victis hostia nomen habet.*

Immolationes dicuntur sacrificia ex rebus inanimis, sed solidis, ut ex farina, pane, sale, thure: dicebantur autem immolationes à mola, siue à molendo. Quamuis deinde vocabulum immolandi ad omne genus sacrificij deriuatum sit: nam et in Scripturis sanctis, & in prophanicis auctoribus sacrificare & immo-

immolare pro eodem accipiuntur. Libamenta dicuntur sacrificia rerum liquidarum, vt vini, & aquæ.

Ratione formæ, & finis diuiditur in tria genera; in holocausta, hostias pro peccato, hostias pacificas. Holocausta offerebant propriæ in reuerentiam diuinæ Maiestatis, & ideo tota cremabantur, vt resoluta in vaporem tota sursum ascenderent, in signum quod quidquid habemus, Dei est. Hostiæ pro peccato, dicebantur eæ quæ offerebantur pro expiatione peccati; & hæ partim cremabantur, partim a sacerdotibus in ipso atrio sancto manducabantur. Erant autem multa genera hostiarum pro peccato, nam & variabantur pro varietate peccati, & pro varietate personarum. Aliud enim offerebatur properiori, aliud pro aliis peccatis; & similiter aliud pro Pontifice, aliud pro Rege, aliud pro Synagoga, aliud pro priuatis hominibus. Hostiæ pacificæ partim cremabantur, partim manducabantur à sacerdotibus, partim ab iis, qui donauerant. Erant autem duas species pacificorum; quedam em offerebant pro beneficio accepto: quedam pro beneficio accipiendo, quæ hoc solum differebat à superioribus, quod istæ poterant etiam in crastino manducari, illæ autem debebant consumi ipso die sacrificij.

Ex quo rectè colligit sanctus Thomas I. 2. quæst. 102. artic. 3. vbi de totz hac materia egregiè disputat, præstantissimum sacrificium fuisse holocaustum, secundum locum dignitatis obtinuisse sacrificium pro peccato, tertium sacrificium pacificum pro beneficio accepto, postremum sacrificium pacificum pro beneficio accipiendo. Maximè enim obligamur Deo honorem deferre ob ipsius infinitam maiestatem, deinde secundò ob offensam in ipsum commissam, tertio ob acceptum iam beneficium, postremò propter sperata beneficia.

Colligit S E C V N D O tribus illis generibus sacrificiorum significari tres fidelium status. Nam holocaustum significat statum perfectorum, qui totos se Dei obsequio dedicant. Sacrificium pacificum; statum proficiunt, qui Deo gratias agunt pro accepta iustificatione peccatorum, & petunt perseverantiam in bono: & ideo eius sacrificij sunt tres partes, una crematur Deo, altera manducatur à sacerdote, tertia ab offerente, quia perseverantia in bono acquiritur gratia Dei, ministerio sacerdotum, & merito etiam proprio operum bonorum.

Q. q. q.

norum.

norum. Denique sacrificium pro peccato, significat statim incipientium, seu pœnitentium, qui quærunta Deo venimus peccatorum. Et quia iustificatio a peccatis non potest acquiri propriis meritis, sed sola Dei gratia per ministerium factum: idcirco eius sacrificij una pars Deo offetur, altera cœrdoti, nulla ipsi offerenti cedit.

CAPVT QVINTVM.

Explicatur status controværsiæ, & sententiæ runtur Catholicorum, & hæreticorum.

EXPLICATIS vocibus Missæ, & sacrificij, sequitur ut ipsa quæstio explicetur; Vtrum Missa sit sacrificium. Porro quæstio principalis cum hæreticis huius temporis, non est de sacrificio spirituali aut improprio; farentur enim Philippus in Apologia Confessionis Augustanæ, & Martinus Kemnitius in Examine Tridentini Concilij, & Brentius in Confessione VVittembergensi, & alij, Missam, siue sacram Cœnam multis modis sacrificium dici posse: sed de sacrificio externo visibili, verè, propriè dicto; ac potissimum de ipso genere sacrificij propriè dicti, id est, de oblatione visibili Deo facta ministerio cœrdotum.

Itaque status controværsiæ hic erit. Vtrum in Missa, si in actione Cœnæ Domini, si ritè celebretur, Eucharistia Deo offerri debeat. Hunc esse verum statum quæstionis, facile probari potest ex testimoniis aduersorū, & nostris. Ac primum formulæ ab ipsis editæ, Cœnæ Domini celebrandæ, statis aperte indicant quid in nostra Missa illis displiceat.

Formula Missæ pro Ecclesia VVittembergensi à Lutherò edita anno M. D. XXIII. admittit PRIMO, Introitum cum Psalmo. SECUNDO, Kyrieleison cū hymno Angelico: *Gloria in excelsis Deo.* TERTIO, Collectam, seu orationem cum lectione sequente. QUARTO, Graduale cum Alleluia. Quinto, Proses, seu Sequentias quasdam paucas, vt de Spiritu sancto, & de Natali Domini. SEXTO, Euangeliū. SEPTIMO, Symbolum. Deinde ita subiungit, OCTAVO: *Sequitur iesu illa abominationis, cui seruire coatum est quidquid in Missa processit: Unde Et Offertorium vocatur; Et ab his omnia jen-*